



HAFNARFJÖRÐUR

HESTHÚSALÓÐIR
ATHAFNASVÆÐI, HESTAFÉLAGSINS SÖRLA

ALMENNIR ÚTHLUTUNARSKILMÁLAR
Dags. 2.5.2017

Drög

ÚTHLUTUNARSKILMÁLAR

Efnisyfirlit:

Inngangur	3
1.0 Gatnagerðargjald	
1.1 Breyting á deiliskipulagi.....	3
1.2 Ýmis þjónustugjöld	3
1.2.1 Þjónustugjöld skipulags- og byggingarfulltrúa	3
1.2.2 Heimæðagjöld stofnana og skipulagsgjald.....	3
1.3 Greiðsluskilmálar og lóðarleigusamningur	3
1.4 Veðheimildir	3
1.5 Sala og/eða nafnabreyting á úthlutun.....	4
1.6 Afturköllun lóðarúthlutunar	4
1.7 Afsal lóðarhafa til Hafnarfjarðarbæjar.....	4
1.8 Endurgreiðsla gatnagerðargjalds	4
1.9 Lóðarleiga, skattar og gjöld	4
1.10 Hafnarfjarðarbær, undanþága frá bótarétti	4
2.0 Tímamörk	
2.1 Tímamörk fyrir aðalupplandrætti.....	4
2.2 Tímamörk framkvæmda	5
3.0 Undirbúnungur framkvæmda og frágangur	
3.1 Almenn atriði.....	5
3.2 Frágangur og notkun lóða	5
3.3 Vatns- og hitaveita, rafmagn og sími	5
3.4 Annað	6
4.0 Ágreiningur og viðurkenning	
4.1 Úrlausn ágreinings	6
4.2 Viðurkenning lóðarhafa á skilmálum	6

Inngangur

Hafnarfjarðarbær, sem eigandi að skipulögðu byggingarlandi, kynnir hér með neðangreinda skilmála, sem gilda gagnvart öllum þeim sem úthlutað fá byggingarlóð á byggingarsvæðinu. Af hálfu Hafnarfjarðarbæjar er það forsenda fyrir lóðarúthlutun, að hver sá er úthlutun hlýtur skuli samþykkja skilmálana og þær skuldbindingar sem þar kveður á um og hlíti þeim að öllu leyti. Lóðin er afhent í því ástandi sem hún er í við afhendingu.

[Hestamannafélagið Sörlí ber ábyrgð á svæðinu. Stjórn hestamannafélagsins Sörla er umsagnaraðili vegna lóðaumsókna en bæjarstjórn samþykkir og úthlutar lóðunum.](#)

ÚTHLUTUNARSKILMÁLAR

1.0 Gatnagerðargjald

Gatnagerðargjald á hesthúsalóðum er miðað við **30.503 kr/hvern byggðan m²** í húsi og eftir nýtingarhlutfalli lóðar og breytist í samræmi við visitölu byggingarkostnaðar 1. dag hvers mánuðar, miðað við visitölu úthlutunarmánaðar.

Gatnagerðargjald verður ekki endurgreitt þótt minna sé byggt en nýtingarhlutfall lóðar miðast við. Lóðarhafi á þá inni byggingarrétt fyrir mismuninum í m².

1.1 Breyting á deiliskipulagi

Almennt er ekki gert ráð fyrir að gerðar verði breytingar á deiliskipulagi lóða eftir úthlutun, en ef samþykkt verður breyting á deiliskipulagi að ósk lóðarhafa, þá tefur það framkvæmdir um 3-4 mánuði og lóðarhafi þarf að greiða allan kostnað vegna breytinga á deiliskipulagi skv. þjónustugaldskrá byggingar- og skipulagsfulltrúa, sem gildir þegar breyting er samþykkt auk hönnunarkostnaðar.

1.2 Ýmis þjónustugjöld

1.2.1 *Þjónustugjöld byggingar- og skipulagsfulltrúa, gjaldskrá nr. 1276/2016.*

Við samþykkt á byggingaráformum eru lögð á ýmis þjónustugjöld byggingarfulltrúa og skipulagsfulltrúa. Sjá þjónustugaldskrá byggingar- og skipulagsfulltrúa á heimasíðu Hafnarfjarðar www.hafnarfjordur.is.

Greiða þarf gjald fyrir hvert útkall, skv. gildandi gjaldskrá, ef verkið er ekki úttektarhæft.

Þjónustugaldskráin er uppfærð einu sinni á ári m.v. byggingarvísitölu. Eindagi ofangreindra gjalda er einum mánuði frá samþykkt byggingarleyfis og eftir þeirri gjaldskrá sem gildir við samþykkt á byggingarleyfi. Þá er einnig greitt fyrir þinglýsingarkostnað vegna lóðarleigusamnings og stofnunar lóðar. Umfjöllunargjald er greitt við innlögn á umsókn um byggingarleyfi og fer eftir gildandi þjónustugaldská byggingarfulltrúa og skipulagsfulltrúa.

1.2.2 *Heimæðagjöld stofnana og skipulagsgjald*

Heimæðagjöld veitustofnana, tengigjald fráveitu, kaldavatnsheimæð Vatnsveitu Hafnarfjarðar og skipulagsgjald sem síslumaður innheimtir við matsstig 7 og önnur slík gjöld sem varða tiltekna lóð og mannvirkni reist á henni, greiðast eftir þeim gjaldskrám sem gilda hverju sinni þar um.

1.3 Greiðsluskilmálar og lóðarleigusamningur

Eindagi gatnagerðargjalds er einum mánuði frá úthlutunardegi þ.e. fundardagsetning bæjarráðs í umboði bæjarstjórnar eða fundardegi bæjarstjórnar. Lóðarleigusamningur og úthlutunarskilmálar munu liggja tilbúnir til undirritunar, hjá fjárréiðudeild, Strandgötu 6, við greiðslu á gatnagerðargjaldi.

1.4 Veðheimildir

Lóðarhafi hefur veðheimild fyrir andvirði 80% af lóðarverði (gatnagerðargjaldi) við þinglýsingu lóðarleigusamnings. Eftir úttekt á sökkulveggjum og þinglýsingu á yfirlýsingu þar um setur bærinn engin skilyrði um veðsetningu.

1.5 Sala og/eða nafnabreyting á úthlutun

Kvöð er í lóðarleigusamningi um að óheimilt er að framselja og/eða breyta um nafn á lóðarhafa fyrr en að lokinni úttekt á sökkulveggjum og þinglýsingum á yfirlýsingum Hafnarfjarðarbæjar þar um.

Vakin er athygli á því, að ekki verður gerður lóðarleigusamningur við annan en þann, sem Hafnarfjarðarbær hefur samþykkt sem byggingarréttthafa skv. úthlutun.

1.6 Afturköllun lóðarúthlutunar

Úthlutun fellur sjálfkrafa úr gildi, án sérstakrar samþykktar bæjarstjórnar þar um í eftirfarandi tilvikum:

- a. Hafi gatnagerðargjald ekki verið greitt innan tilskilins frests sem er innan mánaðar frá dagsetningu úthlutunarskilmála.
- b. Hafi uppdrættir af fyrirhuguðu mannvirki ekki borist byggingarfulltrúa til samþykktar innan 6 mánaða frá úthlutun.

Lóðarhafi fær tilkynningu um að fyrirhugað sé að fella niður lóðarúthlutun og fær 14 daga andmælafrést. Ef lóðarhafi svarar ekki eða gerir engar athugasemdir er lóðarúthlutun felld niður án frekari fyrirvara og fær lóðarhafi þá tilkynningu um það bréflega, þegar úthlutun hefur verið felld úr gildi samkvæmt einhverju þessara tilfella (a-b).

Sé að öðru leyti ekki staðið við skilmála þessa hefur byggingarfulltrúi heimild til að beita dagsektum í samræmi við 56. gr. laga um mannvirki nr. 160/2010. Byggingarfulltrúi skal rita lóðarhafa og byggingarstjóra bréf þar að lútandi og veita andmælarétt áður en dagsektarákvæði er beitt.

Allar framkvæmdir á lóð eru óheimilar eftir að úthlutun er fallin úr gildi eða úthlutun hefur verið afturkölluð.

1.7 Afsal lóðarhafa til Hafnarfjarðarbæjar

Lóðarhafi getur einungis afsalað sér lóðinni svo lengi sem framkvæmdir eru ekki hafnar. Framkvæmdir teljast hafnar, ef deiliskipulagi lóðar hefur verið breytt að ósk lóðarhafa eða þegar aðaluppdrættir hafa verið gerðir fyrir tiltekið mannvirki og samþykki Hafnarfjarðarbæjar liggr fyrir og aðaluppdrættir hafa verið stimplaðir og áritaðir því til staðfestingar og samþykktin skráð í Fasteignaskrá og einnig ef lóðarhafi hefur fengið samþykkt grafrarleyfi og úttekt á gróf útsetningu, botni og finn útsetning hefur farið fram. Ef lóðarhafi hefur selt lóðina án heimildar, þá getur hvorki lóðarhafi né kaupandi lóðarinna afsalað lóðinni til bæjarins.

1.8 Endurgreiðsla gatnagerðargjalfa

Hafnarfjarðarbær endurgreiðir gatnagerðargjald í samræmi við gildandi lög á hverjum tíma.

Ef lóðarhafi á ógreidd fasteignagjöld eða aðrar ógreiddar skuldir hjá Hafnarfjarðarbæ er þeim fyrst komið í skil áður en kemur til endurgreiðslu gjalda.

Byggingarleyfisgjald er ekki endurgreitt og er dregið frá endurgreiðslufjárhæðinni ef það er ógreitt og þinglýsingarkostnaður vegna lóðarleigusamnings er ekki endurgreiddur en innheimtur er þinglýsingarkostnaður vegna yfirlýsingar um að afmá lóðarleigusamning úr þinglýsingarbókum, ef þörf er á. Lóð skal vera veðbandalaus við afsal.

1.9 Lóðarleiga, skattar og gjöld

Lóðir eru leigðar til 25 ára. Lóðarhafi skal greiða lóðarleigu til Hafnarfjarðarbæjar frá og með einum mánuði eftir undirritun lóðarleigusamnings en upp frá því er leigan innheimt með álögðum fasteignagjöldum á ári hverju skv. ákvörðun bæjarstjórnar. Lóðarhafi fær allan arð og greiðir alla skatta og gjöld, sem lögð eru eða verða lögð á hina leigðu lóð frá og með einum mánuði frá undirritun á lóðarleigusamningi.

1.10 Hafnarfjarðarbær, undanþága frá bótarétti

Hafnarfjarðarbær er ekki bótaskyldur gagnvart lóðarhafa, þótt framkvæmdir tefjist af orsökum sem taldar eru leiða af því að byggingaraðstaða er ekki talin vera fullnægjandi, s.s. vegir, vatn, holræsi og rafmagn.

2.0 TÍMAMÖRK

Mæli- og hæðarblað fylgir með úthlutunarskilmálum.

2.1 Tímamörk fyrir aðaluppdrætti

Aðaluppdrættir, fullunnir án athugasemda og tilbúnir til samþykktar, skulu berast umhverfis- og skipulagsþjónustu eigi síðar en **6 mánuðum frá úthlutunardegi**.

Byggingarleyfi er gefið út skriflega þegar eftirtalin atriði hafa verið uppfyllt:

1. Mannvirkið og notkun þess samræmast skipulagsáætlunum á svæðinu.

2. Aðal- og sérupprættir hafa verið yfirlarar og leyfisveitandi hefur áritað þá til staðfestingar á samþykki. Leiðrétt skráningartafla þarf að berast.
 3. Byggingarleyfisgjöld og önnur tilskilin gjöld hafa verið greidd, svo sem gatnagerðargjald samkvæmt ákvæðum laga um gatnagerðargjald og bílastæðagjald eða gjald fyrir skipulagsvinnu samkvæmt ákvæðum skipulagslaga, eða samið um greiðslu þeirra. Undanskilin eru þó gjöld sem falla ekki í gjalddaga fyrr en við útgáfu byggingarleyfis.
 4. Byggingarstjóri hefur undirritað yfirlýsingu um ábyrgð sína og afhent leyfisveitanda undirritaða ábyrgðaryfirlýsingu þeirra iðnmeistara sem ábyrgð munu bera á einstökum verkþáttum.
 5. Skráð hefur verið í gagnasafn Mannvirkjastofnunar að viðkomandi byggingarstjóri og iðnmeistarar hafi gæðastjórnunarkerfi í samræmi við ákvæði laga þessara.
- Lóðin er nú þegar byggingarhæf.*

2.2 Tímamörk framkvæmda, fokheldis-, öryggis- og lokaúttektarvottorð

Eigi síðar en **12 mánuðum frá úthlutunardegi** skulu sökkulveggir steyptir.

Eigi síðar en **24 mánuðum frá úthlutunardegi** skal mannvirkir orðið fokhelt og lóð grófjöfnud.

Fokheldisvottorð verður ekki gefið út fyrr en gengið hefur verið frá húsi og lóð á fullnægjandi hátt í samræmi við skilmála ÍST 51 og samþykkta aðalupprætti.

Þegar mannvirkir er tekið í notkun skal gerð úttekt á öryggi þess og hollustuháttum. Óheimilt er að flytja inn í mannvirkir eða taka það í notkun nema gefið hafi verið út vottorð um öryggisúttekt. Öryggisúttekt skal fara fram eigi síðar en **36 mánuðum frá úthlutunardegi**.

Lóðarhafi skal ganga endanlega frá lóð og bifreiðastæðum, girðingum og skjólveggjum innan þriggja ára frá útgáfu öryggisvottorðs. Bifreiðastæði skulu vera með bundnu yfirborði. Lóðarhafa ber að sækja um lokaúttekt eigi síðar en 3 árum frá öryggisúttekt. Lokaúttektarvottorð verður ekki gefið út fyrr en gengið hefur verið frá húsi og lóð á fullnægjandi hátt í samræmi við skilmála ÍST 51 og samþykkta aðalupprætti.

Verði ofangreind tímamörk ekki virt getur byggingarfulltrúi og mannvirkjastofnun beitt ákvæðum 56. gr. laga um mannvirkir nr. 160/2010, um dagsektir og framkvæmdir á kostnað lóðarhafa. Dagsektir má innheimta með fjárnámi og hefur sveitarfélagið lögveð fyrir kröfu sinni í hinu ófullgerða mannvirkir, byggingarefni og lóð sem um ræðir. Byggingarfulltrúi skal tilkynna lóðarhafa og byggingarstjóra skriflega ákvörðun þess efnis og veita andmælarétt áður en dagsektarákvæði er beitt

3.0 UNDIRBÚNINGUR FRAMKVÆMDA OG FRÁGANGUR

3.1 Almenn atriði

Lóðarhafi ber ábyrgð gagnvart Hafnarfjarðarbæ á lóðinni sem hann hefur fengið úthlutað.

Lóðarhafi hefur ekki heimild til að hefja framkvæmdir með því að panta gróf útsetningu fyrr en ákvæði gr.2.1 hefur verið fylgt. En hafi hann gert það þarf byggingarstjóri að hafa samband við umhverfis- og skipulagsþjónustu og panta útsetningu.

3.2 Frágangur og notkun lóða

Byggingarstjóri ber ábyrgð á að framkvæmdir á lóðinni séu í samræmi við samþykktar og uppgefnar hæðartölur.

Fylgja ber G og L tölu sem sýndar eru á hæðarblaði. Verði ágreiningur um frágang á sameiginlegum lóðarmörkum skal hlíta úrskurði byggingarfulltrúa í því máli.

Séristök athygli er vakín á því að með öllu er óheimilt að nota annað svæði en hina úthlutuðu lóð undir uppröft úr húsgrunni, byggingarefni og annað, s.s. vinnuskúra og gáma, sem að byggingarstarfsemi lýtur. Þá er óheimilt að gera jarðrask utan eigin lóðarmarka án skriflegs leyfis umhverfis- og skipulagsþjónustu. Þó skal aldrei setja meiri upprört á lóð en það sem talið er að nýtist við frágang lóðar.

Þjónustumiðstöð Hafnarfjarðar gefur lóðarhafa/byggingarstjóra upplýsingar um hvar losa má umframefni og á hvaða tínum það megi gera. Kjósi lóðarhafi að ráðstafa umframefni annað er það aðeins heimilt í samráði við þjónustumiðstöðina.

Með öllu er óheimilt er að staðsetja gáma/skúra á lóðinni, nema með samþykki byggingarfulltrúa, sbr. kafla 2.6, gr. 2.6.1 í byggingarreglugerð nr. 112/2012. Um gáma gilda reglur um stöðuleyfi í Hafnarfirði, samþykktar í bæjarstjórn Hafnarfjarðar þann 20. janúar 2016.

Gerði skulu malarborin og þau girt vönduðum girðingum í samræmi við samþykkt deiliskipulag. Halda skal undirlagi í gerðum snyrtilegu og endurnýja reglulega. Taðmenguðu efni úr gerðum skal fargað á viðurkenndum móttökustöðvum eða eftir samkomulagi Hestamannafélagsins Sörla við Hafnarfjarðarbæ.

Á bílastæðum sem eru sameiginleg fyrir fleiri en eitt hesthús og á almennum bílastæðum utan lóðarmarka hesthúsa er óheimilt með öllu að geyma númaralausar bifreiðar, kerrur, dráttarvélar, heyvinnslutæki,

byggingarefni, heyrúllur, heybagga eða aðra lausamuni. Bílastæði við hvert hesthús eru eingöngu ætluð fyrir bifreiðar og hestakerrur á skráningarnúmerum.

Hávaðasamar framkvæmdir má ekki framkvæma eftir kl. 22:00 á kvöldin og ekki má hefja vinnu fyrir kl. 07:00 virka daga og kl. 10:00 um helgar.

3.3 Vatns- og hitaveita, rafmagn og sími

Hlíta skal skilmálum veitustofnana um hvers konar heimæðar og heimtaugar og er almennt vísað til reglugerða veitu- og fjarskiptafyrirtækja í þessu sambandi.

Áskilinn er réttur til að leggja vatns- og hitaveitulagnir um lóð eftir því sem þörf krefur og er veitunum áskilinn grafrarréttur á lóðum vegna þeirra sbr. reglugerðir. Sjá mæliblað en þar kemur fram ef kvöð er á grafrarrétti veitustofnana. **Fráveituvatn frá salernum og kaffistofum skal leitt í fráveitu bæjarins. Sigvatn frá gámastæði og hesthúsum skal leitt í felligildru og þaðan í fráveitu bæjarins. Felligildrur skulu aðgengilegar til tæminga og eftirlits en tæming er á ábyrgð húseigenda.**

3.4. Annað

Lóðarhafi má gera ráð fyrir að gerist hann ekki félagsmaður í Hestamannafélaginu Sörla þurfi hann að greiða gjöld fyrir aðstöðu á svæðinu og í samræmi við samþykktir stjórnar Sörla.

Lóðarhafi skal almennt fara eftir lögum um velferð dýra nr. 55/2013 og reglugerð um velferð hrossa nr. 910/2014 einnig reglugerð nr. 796/1999 um varnir gegn mengun vatns og nr. 79/1999 um varnir gegn mengun grunnvatns, með síðari breytingum.

Notkun mannvirkja skal vera í samræmi við samþykkt deiliskipulag hverju sinni. Önnur notkun í hverfinu en fyrir hesta, hey og annað sem hestahaldi viðkemur er óheimil nema notkun sé í samræmi við samþykkt deiliskipulag.

Taðgámar skulu vera snyrtilegir og lekaheldir. Önnur uppsöfnun taðs er stranglega bönnuð á deiliskipulags-svæðinu. Hesthúsa eigendur skulu fjarlægja tað og moð reglulega úr húsum sínum og tryggja að gámar eða taðgeymslur yfirfyllist ekki. Allt hrossatað skal fjarlægt eftir að hross eru komin í haga, þó ekki seinka en 1. júlí ár hvert. Í taðgáma má einungis setja hrossatað og moð en ekki annan úrgang. Umgengni um taðgeymslur og taðgáma, hreinsun þeirra og hreinsun hesthúsa skal vera með þeim hætti að ekki verði óþrifnaður.

4.0 ÁGREININGUR

4.1 Úrlausn ágreinings

Bæjarráð Hafnarfjarðarbæjar sker úr um ágreining sem kann að rísa um túlkun einstakra ákvæða skilmála þessara sbr. ákvæði 11. gr. í úthlutunarreglum vegna byggingarlóða í Hafnarfirði.

4.2 Viðurkenning lóðarhafa á skilmálum

Greiðsla á gatnagerðargjaldi ásamt undirritun á lóðarleigusamningi og úthlutunarskilmála telst vera viðurkenning lóðarhafa á því, að hann hafi kynnt sér alla skilmála, sem varða lóðina og hafi samþykkt að hlíta þeim, en vísað er í úthlutunarskilmála, greinargerð með deiliskipulagi svæðisins útg. 0.2 dags 25.8.2008 með síðari breytingum í lóðarleigusamningi.

Hafnarfirði,

2017

Ég undirritaður (-uð) f.h. rétthafa lóðarinnar nr. x við xxxx lýsi hér með yfir, að ég hef kynnt mér ofanritaða úthlutunarskilmála dagsetta xx.xx.2017 og skuldbind mig til að hlíta þeim að öllu leyti.

Nafn

Nafn

Kennitala

Sími

Kennitala

Sími

Heimilisfang

Heimilisfang